



## De „Hännsche“.

Godd sei's geklaahd, waß merren doch  
Die Mensche gar so selde,  
Die durch ehrn Witz un Eijehaid  
Als Originäler gelde;  
Wohi mr aah de Blick heid wend,  
Nix, nix wie Durchschnittsmensche,  
Kähner den mr vergleiche kennend  
Mit unserm alde Hännsche.

Der hodd aah noch Humor gehadd  
Un Witz zu alle Zeide,  
Drum mocht 'n in de ganze Schdadt  
Aah jererähns geern leide.  
Sei<sup>n</sup> Werkshdadt uffem Aldehoof  
Iß nie aah leer drum worre,  
Do sinn se kumm vum Bremerhoof  
Un drowe selbschd vum Korre.



Er hodd e jeres aah gekennd  
Un wußd in alle Daah,  
In die em ofd es Lewe rennd  
E gures Word se saah.  
Un mancher, der enei<sup>n</sup>zu's noch  
De Robb hodd henge losse,  
Drahd 'n erauszu's schdolz un hoch  
Als hedd er'n selbschd voll Bosse.

Äh<sup>n</sup>mol, ich kann's noch vor mer sieh,  
Do kummd emol e Bauer,  
's war Maargdags grad, zum Hännische hie  
Un guggd so drieb un sauer;  
Na<sup>n</sup>, Freind, warum dann so verschlaah?  
Dhud 'n de Hännische froohe.  
Do fangd de Bauer a<sup>n</sup> se klaa'  
Wie er sich ab mißd bloohe.

Doch hedd er's sadd in alde Daah  
Sich selbschd se schitaniere,  
Er gengd jekd noh Ameriga,  
Wolld dord sei<sup>n</sup> Glick browiere.  
Un domit gehd er werflich ford,  
Will grad um's Dascher's schwenge,



Do ruufd de Hännsche: „Uff äh“ Word,  
Dhu mer Geheer noch schenke.“

Der kummd ferick, er guggd 'n a"  
„Hann ich Eich leß verschdanne,  
Freind, wann Ehr noh Ameriga,  
Gehd do de Weg nedd anne;  
Ameriga! Deß iß käh“ Schbaß,  
Do gehn ehr doch gescheider  
Gradaus do durch die Schneidergaß,  
Um's Daschers rum iß weider.

